

Borgmesterinik borgmesterillu tulliinik kiisalu kommunalbestyrelsinut nunaqarfinnilu aqutsisunut ilaasortanik aamma najukkani ataatsimiititaliat ilaasortaannut il.il. akissarsiaqartitsineq pillugu Namminersorlutik Oqartussat nalunaarutaat

Kommunit aqunneqarnerat pillugu Inatsisartut inatsisaanni nr. 22-mi, 18. november 2010-meersoq, Inatsisartullu inatsisaatigut nr. 6, 29. november 2013-imeersutigut allannguuteqar-tinneqartumi § 31a, imm. 4, § 56, imm. 1, 66, imm. 6, aamma 67, imm. 1, naapertorlugit aalajangersarneqarput:

*Borgmesterinik, borgmesterit tulliinik, kommunalbestyrelsinut nunaqarfinnilu aqutsisunut kiisalu sumiiffinni
ataatsimiititalianut allanullu akissarsisitsisarneq.*

§ 1. Kommunalbestyrelsip borgmesterip atuuffiani akissarsisitsisarnerup annertussusissaar
aalajangersartarpaa.

Imm. 2. Ukiutut tullermut missingersuusiornermut atatillugu borgmesterit tulliisa,
kommunalbestyrelsinut nunaqarfinnilu aqutsisunut ilaasortat, ataatsimiititaliani siulittaasut
nunaqarfinnilu aqutsisuni siulittaasut akissarsiaasa annertussusissaat kommunalbestyrelsip
aalajangersassavai.

§ 2. Borgmesteri ukiumut akissarsiaqartinneqassaaq annerpaamik Kalaallit Nunaanni ilinniagartuut
kattuffiata Akademikernes Sammenslutning i Grønlandip (AS-G) isumaqatigiissuteqarfiini
tjenestemandinut akissarsiat pillugit isumaqatigiissutit qaqgukkulluunniit atuuttut naapertorlugit
akissaateqarfiit 38-annut, nalinginnaasumik tapiissutit ilanngullugit, naapertuuttumik kisiannili
nalinginnaasumik akissaateqarfiit nikerarnerinut tapiissutit ilanngunnagit, aamma akit naapertorlugit
ukiutut tunngaviusumik kr. 130.600-nik immikkut tapiissutitalimmut, aamma ukiumut tunngaviusumik kr.
174.130-nik immikkut tapiissutitalimmut, kiisalu aamma suli ukiumut tunngaviusumik kr. 12.100-nik
immikkut tapiissutitalimmut, naapertuuttunik. Ukiutut tunngaviusumik aningaasartat immikkut ittumik
tapiusunut tamanut 1.4.1991 aallarnerfigalugu atuutilissapput.

Imm. 2. Borgmesterip akissarsiai tunniunneqartassapput Kalaallit Nunaanni ilinniagartuut kattuffiata
Akademikernes Sammenslutning i Grønlandip (AS-G) isumaqatigiissuteqarfiini tjenestemandit
qaammamusiallit akissarsiaasa tunniunneqartarnerattut.

Imm. 3. Borgmesterit borgmesteritut akissarsiamik saniatigut nalunaarut manna naapertorlugu
kommunimi suliarititanut allanut akissarsiaqarsinnaanngillat.

§ 3. Borgmesterip tullii kommunini ataatsimik borgmesterimut tullilinni aamma kommunini marlunniq borgmesterimut tullilinni borgmesterip tullia siullermut communalbestyrelsip aalajangiineratigut aalajangersimasumik akissarsiaqartitsisoqassaaq § 1, imm. 2 naapertorlugu akissarsiarititat saniatigut annerpaamik borgmesterip akissarsiaasa 15 pct.-ianik.

Imm. 2. Borgmesterip tullia imm. 1 naapertorlugu aalajangersimasumik akissarsiaqanngitsoq piffissami borgmesteritut atuuffigisamini taamatut akissarsiaqassaaq.

Imm. 3 *Imm. 2* naapertorlugu taartaalluni atuunnermi akissarsiat naatsorsorneqarlutillu tunniunneqartassapput maleruagassat atorfanni Kalaallit Nunaanni ilinniagartut kattuffiata Akademikernes Sammenslutning i Grønland-ip (AS-G) isumaqatigiissuteqarfíni akissarsiat pillugit maleruagassanut naapertuuttut naapertorlugin.

§ 4. Kommunalbestyrelsimit ilaasortaq borgmesteritut taartaalluni atuuteqquaasoq borgmesteritut akissarsiaqartinneqassaaq § 2-mi taaneqartut naapertorlugin.

Imm. 2. Nunaqarfíni aqutsisunut ilaasortaq nunaqarfíni aqutsisunut siulittaasutut taartaalluni atuuteqquaasoq siulittaasutut akissarsiaqartinneqassaaq § 7, taaneqartoq naapertorlugu.

§ 5. Kommunalbestyrelsip kommunalbestyrelsimit ilaasortat aalajangersimasumik akissarsiaqartissavai amerlanerpaamik akissarsiap § 2, imm. 1-im i taaneqartup 1/6-ianik.

Imm. 2. Akissarsiat tunniunneqartassapput kommunalbestyrelsimit ilaasortat tamarmik akissarsiassat qaffasinnersaasa agguarneri assigiimmik annertussuseqartillugit.

§ 6. Nunaqarfíni aqutsisunut ilaasortat akissarsiaqartinneqassapput amerlanerpaamik akissarsiap § 2, imm. 1-im i taaneqartup 1/12-anik.

Imm. 2. Akissarsiat tunniunneqartassapput nunaqarfíni aqutsisunut ilaasortat tamat anigaasarsiat qaffasinnersaasa agguarneri assigiimmik annertussuseqartillugit.

§ 7. Kommunalbestyrelsip ilassutitut aningaasarsiat nunaqarfíni aqutsisunut siulittaasumut tunniussinnaavai. Ilassutitut aningaasarsiat ukiumut amerlanerpaamik akissarsiap § 2, imm. 1-im i taaneqartup 1/12-anik annertussuseqarsinnaapput.

§ 8. Borgmesterit tullisa, kommunalbestyrelsimit nunaqarfínilu aqutsisunut ilaasortat, ataatsimiititaliat siulittaasuisa aamma nunaqarfíni aqutsisuni siulittaasut akissarsiaat qaammatip taamatut suliffiup naanerani tunniunneqartassapput.

Imm. 2. Kommunalbestyrelsimit ilaasortap Kommunit aqunneqarnerat pillugu lnatsisartut inatsisaa naapertorlugu suliassani isumaginngippagit aamma Kommunit aqunneqarnerat pillugu lnatsisartut inatsisanni aqutsinermut inatsimmi § 66, imm. 8 naapertorlugu sulinngiffeqanngippat ilaasortap pineqartup akissarsiai peqataanngiffiata sivisussusianut naapertuuttumik ilanngaaffigineqassasut kommunalbestyrelsip aalajangersinnaavaa. Akissarsiaritippallaarsimasut isumaqatigiissuteqarnikkut sivisunerpaamik qaammatinut pingasunut agguarlugit akilersorneqarnissaat isumaqatigiissutigineqarsinnaavoq.

Imm. 3. Naartunermut, meerartaarnermut meeravissiartaarnermulluunniit atatillugu peqataannginnej

pissutissaqarluni peqataannginneruvoq. Kommunalbestyrelsip allatigut aalajangertassavaa qaqugukkut pissutissaqarluni peqataasoqannginnersoq.

Sulinermiit isertitassaraluit annaasat matussuserneqartarnerat, angalanernut unnuinermullu aningaasartuutit akilerneqartarnerat kiisalu ullormusiat il.il.

§ 9. Kommunalbestyrelsip aalajangersinnaavaa kommunit aqunneqarnerat pillugu Inatsisartut inatsisaani § 66, imm. 1 naapertorlugu ataatsimiinnernut il.il. ilaasunut ullunut angalaffiusunut atatillugu sulinermi aningaasarsiassaraluannik annaasanut taartisiaqartitsiumalluni.

Imm. 2. Sulinermiit aningaasarsiassaraluaniq annaasat matussuserneqartarnissaat pillugu

kommunalbestyrelsip aalajangiiffigisaanut amerlanerpaamik ilaasinnaapput:

1) Sulinermik inuussutissarsiuteqartut sulillutik akissarsiassaraluaminik annaasaat upernal-sarneqartut imaluunniit

2) Ullormut akissarsiat akissarsiat § 2, imm. 1-im i taaneqartut 730-inngorlugit aggornerannut ataatsimut naapertuuttut inunnut, ataatsimiinnerup nalaani annermik namminersorluni inuussutissarsiuteqarnermit aningaasarsiorfeqartunut, soorlu piniartunut, aalisartunut, savaatilinnut il.il.

§ 10. Kommunit aqunneqarnerat pillugu Inatsisartut inatsisaani § 66, imm. 1 naapertorlugu ataatsimiinnernut il.il. atatillugu angalanermut unnuinermullu aningaasartuutit kommunalbestyrelsip akilertassavai. Angalanermut unnuinermullu aningaasartuutit akilerneqartarnerat pillugu kommunalbestyrelse maleruagassanik erseqqinnerusunik aalajangersaasinjaavoq.

Imm. 2. Ullormusiat tunniunneqartassapput tjenestemandit Kalaallit Nunaanni atorfilit atorfitsik naapertorlugu angalanerini aningaasartuutinut amerlissutit matussuserneqartarnerat pillugu maleruagassat qaqugumulluunniit atuuttut naapertorluginit.

§ 11. Piffissamik qaammatinik marlunnit sivikinnerusumik utaqqiisaagallartumik sinniisutut sulinermi ullormusiaqartitsisoqassaaq ulloq unnuarlu akiliutigineqartartut atorlugit ullut ataatsimiiffit tunngavigalugit kiisalu sulinermiit aningaasarsiassaraluaniq annaasat aamma akiliutigineqartassapput

Borgmesterinut il.il. qinigaajunnaarnersiutit

§ 12. Borgmesteritut atuussimasoq ukiup aallartinnerisa tamaasa qaammaatip aappaata affaannik qinigaajunnaarnersiuteqarnissamik pisinnaatitaaffeqlersarpoo. Taamaattorli piffissaq qinigaajunaarnersiuteqarfusoq qaammatinik 12-inik sivisussuseqarsinnaavoq.

Imm. 2. Sornatigut borgmesteriusimasumut qaammammut qinigaajunnaarnersiutit pineqartup ukioq kingulleq sulinermini akissarsiaasa 1/12-iannut naapertuuttumik annertussuseqassapput.

§ 13. Borgmesterip tunuarnera pinerluttulerinermi inatsit naapertorlugu peqqussuteqarnermik nakkitigineqartussaanermilluunniit pissuteqarluni qinigaasinjaajunnaarnermik kinguneqarsimappat kommunalbestyrelsip inassuteqareerneratigut Naalakkersuisunit aalajangerneqassaaq borgmesteri nalunaarummi matumani malittarisassat naapertorluginit qinigaajunnaarnersiuteqarsinnaatitaassanersoq.

§ 14. Borgmesterip toqukkut peerunnini tikillugu borgmesteritut sulisup imaluunniit toqukkut peerunnini tikillugu borgmesterip qinigaajunnaarnersiutanik pissarsisartup aappaa piffissap qinigaajunnaarnersiuteqarfiup sinnerani, sivisunerpaamilli borgmesterip toquneraniit qaammatini pingasuni, qinigaajunnaarnersiutinik pisartagaqarsinnaavoq.

Imm. 2. Borgmesteri toqukkut apparisamik qimataqanngippat qimataasorluunniit piffissap qinigaajunnaarnersiuteqarfiup qaangiutninginnerani toqukkut peeruppat qinigaajunnaarnersiuteqarsinnaaneq borgmesterip meeraanut suli 18-iliisimanngitsunut, borgmesterip toqukkut peerunnerani tassannga angajoqqaatut oqartussaaffigisaasunut, pisinnaatitaaffinngussaaq.

Najukkani ataatsimiitaliani ilaasortat akissarsiaqartinneqarnerat allallu

§ 15. § 2, imm. 1-im i akissarsiani taaneqartuni kommunalbestyrelse aalajangersimasumik ukiumoortumik najukkani ataatsimiitaliat ilaasortaannut kommunalbestyrelsimum ilaasortanngitsunut amerlanerpaamik 1/12-inik akissarsisisarsinnaavoq.

Imm. 2. Najukkani ataatsimiitalianut ilaasortanut tamanut kommunalbestyrelsinit ilaasortaanngitsunut akissarsiat, akissarsiat qaffasinersaasa agguarneri assigiimmik annertussuseqartillugit.

Imm. 3. Akissarsiaqartitsinerit imm. 1 naapertorlugu aalajangersakkat, siusinnerpaamik qaammatip aallaqqaataani atuutilersumik tunniunneqarsinnaapput, tamatumani najukkami ataatsimiitaliap ataatsimeeqqaarnerani, najukkamilu ataatsimiitaliap kingullermeerluni ataatsimiinnerani qaammatip naanerani tunniunneqarsinnaajunnaartassallutik.

Imm. 4. Kommunalbestyrelsip qaqugukkulluunniit aalajangiiffigisinnaavaa akissarsiat imm. 1 naapertorlugu tunniunneqartartut qaammatip naanerata aallartinneraniit atuukkunnaarsinneqartarnissaat.

Imm. 5. Akissarsiat imm. 1-im aalajangersarneqartut naapertorlugit tunniunneqartartut, ukiumut aalajangikkamik aningaasat 1/12-ii qaamatikkuutaartumik qaamatillu pineqartup naanerani tunniunneqartassapput.

§ 16. §§-ini 9 aamma 10-mi maleruagassat aammattaaq najukkami ataatsimiitaliap ilaasortaannut ataatsimeeqataanerni najukkamilu ataatsimiitaliat ataatsimiittarneranni angalasarnerannilu peqataasarnereni taamatuttaaq atuutsinneqartassapput.

§ 17. Ukiuni tulliuttuni missingersuusiornernut atatillugu najukkani ataatsimiitaliani ilaasortanut akissarsiassat annertussusissaat pillugit kommunalbestyrelse aalajangiisassaaq.

Imm. 2. Kommunalbestyrelsi ukiup ataatsip ingerlanerani najukkami ataatsimiitaliamik pilersitsissagaluarpat, akissarsiatigut aningaasartuutinut akiliutissanik missingersuutit aningaasaliissutinik imaqasanngippata, taava najukkami ataatsimiitaliamut ilaasortanut akissarsiat pillugit aalajangiinermi, aammalu taassuma ilaasortaasa amerlassusissaat tapiliussatut aningaasaliissutinut atatillugu aalajangersarneqassaaq.

§ 18. Nalunaarut 1. januar 2014-imi atuutilerpoq.

Imm. 2. Peqatigitillugu borgmesterinik borgmesterillu tulliinik kiisalu communalbestyrelsinut nunaqarfinnilu aqutsisunut ilaasortanik il.il. akissarsiaqartitsineq pillugu nalunaarut nr. 1, 21. januar 2011-meersoq atuukkunnaarsinneqarpoq.

Kalaallit Nunaanni Namminersorlutik Oqartussat, ulloq 30. december 2013

Vittus Qujaukitsoq

/

Peter Hansen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaquataasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut